

# Йӱскалык библиотекалэн шыкысаз

## ШАЕРТОДОН

**Удмурты. Наследие древних воршудов / составитель Г.Г. Грязев [фотографы: Е.П. Белослудцева и др.; ответственный за выпуск Т.В. Воронова]. – Ижевск: Удмуртия, 2022. – 95 с.**

Книгае пыризы В.Е. Владыкинлэн, М.Г. Атамановлэн, М.Г. Ивановалэн, П.Н. Лупповлэн, Е.Я. Трофимовалэн, И.С. Михеевлэн воршудёсын но удмурт калыклэн историеныз герзаськем статьяоссы. Изданиез 2022-тй арын Пичи Пурга ёросын орчем но удмурт воршудёслы сйзем Герберысь трос туспуктэмьёс узырмыто.

**Туктарева О.Н. Бабушки из Бураново: как это было. – Ижевск: Удмуртия, 2023. – 207 с.**

Книга-альбоме пыризы брангурт песянайёслэн фольклор коллективзылэн кивалтйёслэн Ольга Николаевна Туктаревалэн дневник амалэн гождямьёсыз но туспуктэмьёс. Со гождямьёсья тодыны луэ, кытчы вуылйзы, мае адзизы, кинэн пумиськылйзы брангурт песянайёс 2008-тй арысен 2022-тй арозь.

**Вахитов С.С. Олле Сальяла. – Ижкар: Йӱскалык прессалэн юртэз, 2022. – 189 б.**

Книгае Кияса ёросысь сям-йылольёслы, чакланьёслы но туалы сямьёслы сйзем ужъёс пыризы. Нимысьтыз люкет висъямын та палась бичам визькылъёслы. Бичетэ пыртэмын на авторлэн публицистикаез, туалы улон-вылонлы сйзем мылкыдъёсыз-малпаньёсыз.

**Грахова Т.М. История Граховской школы. – с. Грахово, 2020. – 196 с.**

Тамара Михайловна Грахова дышетйсьёслэн, дышеткисьёслэн тодэ ваёнъёссы но пӧртэм документъёс вылэ иньяськыса, Грак черкогуртысь школалэсь историзэ усьтэ. Автор азьвыл та школын ик дышетйсь луыса ужамын.

**Чуракова Л.Г. Истории в лицах: документально-публицистическое издание. – Ижевск: Удмуртский издательский дом, 2021. – 200 с.**

Книгаын Вотка ёросысь Июльское черкогуртлэн 1725-тй арын кылдэм дырысеныз туннэ нуналось историзэ эскеремын. Уже кутэмын

архивысь ужъёс, тодэ ваёнъёс, автобиографической заметкаос, туспуктэмьёс.

**Кухня калмезских удмуртов. – Ижевск: Удмуртия, 2022. – 40 с.**

Книгае пыремын Сьӧлта ёросысь Сюромошур гуртысь бичам рецептъёс: чырс нызьылиен шыд, сяртчынаны, жушен перепеч, юача, чырс гордкушман, гордкушманэн сюкась, сулятэм (омлет), шуэн сюкась сиён, кӧжыпог, тетера но мукет.

**Емельянов Н.Н. Сюлэм возьма умойзэ = Сердце живёт надеждой. – Ижевск: Йӱскалык прессалэн юртэз, 2022. – 95 б.**

Йӱскалык прессалэн юртэз Можга ёросысь Удмурт Пычас гуртысь Николай Емельяновлэсь книгазэ поттйз. Книгае люкамын удмурт но зучкылын гождэм ужъёс, очеркъёс, тодэ ваёнъёс, автор сярсысь статьяос.

## ЧЕБЕРЛЫКО ЛИТЕРАТУРА

**Лауреаты литературной премии Правительства Удмуртской Республики, 2013–2021 годы / Удмуртское Республиканское отделение Общероссийской общественной организации «Союз писателей России»; [автор вступительной статьи Пётр Захаров]. – Ижевск: Шелест, 2022. – 359 с.**

Альманахе огазе люкамын Удмурт Элькунлэн Кивалтэтэзлэн премиезлэн лауреатъёсызлэн кылбуръёссы, зарисовкаоссы, веросьёссы, повестьёссы, выжыкылъёссы, пьессаоссы, эпос. Бичетэ пыризы нокытын но печатласькылымтэ ужъёс: Глеб Павлоидлэн и Екатерина Гузёмалэн «Трижды три Бабы-Яги» пьесазы но Сергей Антоновлэн «Шаян пи» пьеса-выжыкылэз.

**Поскрёбышев О.А. Кот-мореход. – Ижевск: Удмуртия, 2022. – 95 с.**

Бичетэ пыризы Удмуртиысь калык гождямьёсысь нылпиослы кылбуръёсыз но веросьёсыз. Книгаез чебермало Кез, Дзёбес, Глаз, Красногорск, Ува ёросъёсысь пинальёслэн суредъёссы – Олег Поскрёбышевлы сйзем «Малая родина» конкурсэ вуэм ужъёс.

**Симаков Г.С. Заяц на вершине ели / Григорий Симаков; [перевод с удмуртского З.С. Кононовой]. – Ижевск: Шелест, 2022. – 145 с.**

Тодмо удмурт гождяськисълэн Григорий Степанович Симаковлэн (кызы гождэмын книгалэн азыкылаз – «удмурт Пришвинлэн») веросъёсыз но выжыкылъёсыз зуч кылэ берыктыса поттэмын.

**Перевозчиков А.А. Жытозь ай кема. – Ижевск: Йёскалык прессалэн юртэз, 2022. – 303 б.**

Бичетэ пыризы Анатолий Перевозчиковлэн кылбуръёсыз, вакчи чуръёсыз но поэмаосыз. Аслаз лирикаяз автор вордйськем шаерзэ но калыкэ данъя, удмуртлык но адыми кусыпъёслэн воштйськемзы пумысен сюлмаськемзэ вера, кылбуран удис сярысь малпанъёссэ шарая.

**Рыбакова Л.А. Шуд сйзи но луи шудогес. – Ижевск: Удмуртия, 2023. – 79 б.**

«Алнашский колхозник» газетэ корреспондентэзлэн Лилия Рыбаковалэн та нырысетй кылбур бичетэз. Кылбуръёс пуштроссыя туж муресь. Соос малпаськыто, улон шоры мукет синмын учкыны дышето.

**Куликовская П. Удмуртолэнд. – Ижкар, 2022. – 47 б.**

Алнаш ёросысь егит авторлэн Пелагея Куликовскаялэн (Полина Куликовалэн) нырысетй кылбур бичетэз потйз. Аспөртэмлыко кылбуръёсты узырмыто Марина Степановалэн яркыт суредъёсыз.

**Андреева З.В. Сюлэмьсытым потэм чуръёс. – Ижевск: Шелест, 2022. – 60 б.**

Андреева Зоя Викторовна вордскемын Можга ёросысь Вуж Карамбай гуртын. Вань улонзэ школаын дышетонлы сйзиз. Кылбуръёсыз но прозаез печатласькылйзы «Можгинские вести», «Выйла даур», «В кругу семьи» ёрос газетъёсын но «Удмурт дунне» элькун газетын. Нырысетй бичетаз пыризы вордскем шаерлы, яратонлы, семьялы но эшъёслы сйзем удмурт но зуч кылын кылбуръёсыз, кырзанъёсыз.

## ЛИТЕРАТУРАТОДОС

**Шибанов В.Л. Туала удмурт кылбурет зуч но кунсьөр литератураослэн герзетазы. – Ижевск, 2022. – 321 б.**

Монография туала удмурт кылбуретлэн аспөртэмлыкезлы сйземын, зуч но кунсьөр

литератураосын герзетъёс азыпал радэ поттэмын. 1970–2010-тй аръёслы тужгес но бадзым саклык висъямын, соин ёш поэзиысь азылогес кылдэм йылолъёс но лыдэ басътысько, туннэ поэзиысь югдур сярысь малпанъёс возматйсько. Удмурт кылбуретын тунсыко визыл кылдыто «этнофутуризм» но «нылкъшно ренессанс», дунне литературасысь «чурыт кабыёсты» уже кутон. Монография сйземын удмурт кылбуретэн тунсыкъяськисъёслы.

**Сюлэм куара = Голос сердца: жизнь и творчество Егора Загребина: сборник статей / составители А.Е. Загребин [и др. предисловие Р.В. Кирилловой; послесловие А.Е. Загребина]. – Ижевск: Удмуртский университет, 2022. – 370 б.**

Книга сйземын Удмуртиысь калык писательлэн Егор Загребинлэн вордскемез дырысен 85 ар тырмонзлы. Статьяосын, тодэ ваёнъёсын усътысько солэн улонзлэн но ужезлэн пөртэм пальёсыз. Бичетэз узырмыто писательлэн дневникысьтыз гождямъёсыз, финн, пор кылэ берыктэм кёня ке чеберлыко произведениосыз.

## УСТОЛЫК

**Удмуртская Республика. Декоративно-прикладное искусство и художественные ремёсла = Удмурт Элькун. Чеберлыко киужъёс но калык ёнеръёс: энциклопедия / Удмуртский институт истории, языка и литературы Удмуртского федерального исследовательского центра УрО РАН [и др.]; главный редактор А.П. Сидорова; научный редактор Е.И. Ковычева; составители: С.Д. Смирнова [и др.]; редакционная коллегия: Е.А. Бушмакина [и др.]. – Ижевск: УдмФИЦ УрО РАН, 2022. – 654.**

Энциклопедие чеберлыко киужъёслы но калык ёнеръёслы сйзем куать сюлэсь уно статьяос пыризы. Соос лыдзисез тодматэ удмурт кибашлыослэн пулэсь, кортлэсь, пиялалэсь, горд сйюлэсь, басмалэсь, лылэсь лэсьтэм киужъёсынызы. Саклык висъямын усточиосты дышетонлы. Энциклопедия туж узыр пөртэм материалэн, яркытэсь но тунсыко туспуктэмъёсын.

**Светлана Аркадьевна ВОРДАКОВА,**

*Удмурт Элькунысь Йёскалык лыдзисъконниысь  
«Книжной палата» ёзэтын ужась*